

Bosna i Hercegovina  
**BRČKO DISTRIKT**  
**BOSNE I HERCEGOVINE**

Komisija-Povjerenstvo za odlučivanje  
o sukobu interesa



Босна и Херцеговина  
**БРЧКО ДИСТРИКТ**  
**БОСНЕ И ХЕРЦЕГОВИНЕ**  
Комисија за одлучивање о  
сукобу интереса

Trg mladih 8, Zona 1A, drugi sprat-kat / 76100 Brčko distrikt BiH, tel: 049/490-135, web: www.sukobinteresabd.ba, e-mail: info@sukobinteresabd.ba  
Трг младих 8, Зона 1А, други спрат / 76100 Брчко дистрикт БиХ, тел: 049/490-135, веб: www.sukobinteresabd.ba, е-пошта: info@sukobinteresabd.ba

Broj: UP-I-KSI-09-04/24

Datum: 17.10.2024. godine

Na osnovu članova 25 i 33 Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti u postupku utvrđivanja povrede odredaba Zakona o sprečavanju sukoba interesa u institucijama Brčko distrikta BiH, nosioca javne funkcije M.T. iz Brčkog, Ul. [REDACTED], direktora Razvojno-garantnog fonda Brčko distrikta BiH, na 102. sjednici održanoj dana 17.10.2024. godine, donosi

## ZAKLJUČAK

Obustavlja se postupak protiv M.T. iz Brčkog, Ul. [REDACTED], direktora Razvojno-garantnog fonda Brčko distrikta BiH, kao nosioca javne funkcije, pokrenut Zaključkom broj: UP-I-KSI-09-04/24 od 16.09.2024. godine, radi sumnje na povredu člana 19 stav (1) i stav (2) te člana 20 Zakona o sprečavanju sukoba interesa u institucijama Brčko distrikta Bosne i Hercegovine, koja bi proizlazila iz okolnosti da nosilac javne funkcije prilikom podnošenja Izvještaja o imovinskom stanju, nije potpuno i tačno unio podatke o svojoj nepokretnoj imovini, odnosno, nije prijavio svu nepokretnu imovinu koja je u njegovom vlasništvu, odnosno, suvlasništvu.

## Образложење

Dana 16.09.2024. godine Komisija za odlučivanje o sukobu interesa po službenoj dužnosti, Zaključkom broj: UP-I-KSI-09-04/24, pokrenula je postupak protiv nosioca javne funkcije M.T. iz Brčkog, Ul. [REDACTED], Brčko, direktora Razvojno-garantnog fonda Brčko distrikta BiH, zbog sumnje na povredu člana 19 stav (1) i stav (2) te člana 20 Zakona o sprečavanju sukoba interesa u institucijama Brčko distrikta Bosne i Hercegovine, koja bi proizlazila iz okolnosti da nosilac javne funkcije, prilikom podnošenja Izvještaja o imovinskom stanju, nije prijavio svu nepokretnu imovinu koja je u njegovom vlasništvu, odnosno, suvlasništvu.

Nosilac javne funkcije je istim Zaključkom pozvan da Komisiji za odlučivanje o sukobu interesa dostavi izjašnjenje u roku od 15 dana od dana dostavljanja Zaključka.

Dana 26.09.2024. godine, u zakonskom roku, Komisiji je dostavljeno pisano izjašnjenje na Zaključak Komisije o pokretanju postupka, broj: UP-I-KSI-09-04/24 od 16.09.2024. godine, u kojem nosilac javne funkcije navodi da je podatke o stanju nekretnina na teritoriji Republike Srpske dao na osnovu posjedovnog lista [REDACTED], koji posjedovni list je izvadio u Republičkoj upravi za geodetske i imovinsko pravne poslove – Područna jedinica Šamac, gdje mu je

napomenuto da se sve nekretnine koje se vode na njegovom imenu u Republici Srpskoj nalaze na navedenom posjedovnom listu. Povodom Zaključka Komisije za odlučivanje o sukobu interesa br. UP-I-KSI-09-04/24 od 16.09.2024. godine nosilac javne funkcije navodi da se, nakon prijema istog, obratio Republičkoj upravi za geodetske i imovinsko-prave poslove, Područna jedinica Šamac, te je pribavio zk. uložak [REDACTED], u kojem je uočeno neslaganje. Nosilac javne funkcije ističe da nekretnine navedene u [REDACTED], nisu nove nekretnine, odnosno neprijavljene, nego su iste dio nekretnina koje su navedene u posjedovnom listu, odnosno, nekretnine navedene u Aneksu II, a što je vidljivo iz identifikacije parcela starog i novog premjera izdate od Republičke uprave za geodetske i imovinsko pravne poslove – Područna jedinica Šamac, a koje se zbog neusaglašenosti evidencija između posjedovnog lista i zk. uložka vode pod različitim brojevima i oznakama.

Kao dokaz navodima iz Izjašnjenja od 26.09.2024. godine, M.T. priložio je posjedovni list [REDACTED] i zk. izvadak [REDACTED], kao i identifikaciju parcela starog i novog premjera, Republičke uprave za geodetske i imovinsko-pravne poslove, područna jedinica Šamac, broj 21.52/952.1-3-239/2024 od 25.09.2024. godine.

Uvidom u dostavljenu dokumentaciju, utvrđeno je da prema identifikaciji parcela starog i novog premjera, Republičke uprave za geodetske i imovinsko-pravne poslove Banja Luka, područna jedinica Šamac, broj: 21.52/952.1-3-239/2024 od 25.09.2024. godine, parcela novog operata broj 94/4 k.o. Obudovac, odgovara dijelu parcele starog operata broj 2179/5 k.o. Obudovac, parcela novog operata broj 104 k.o. Obudovac odgovara dijelu parcele starog operata broj 2192/2 i dijelu parcele 2192/1 k.o. Obudovac, parcela novog operata broj 105 k.o. Obudovac, odgovara dijelu parcele starog operata broj 2192/2 k.o. Obudovac i dijelu parcele broj 2192/1 k.o. Obudovac, parcela novog operata broj 106 k.o. Obudovac, odgovara dijelu parcele starog operata broj 2192/2 k.o. Obudovac i parcela novog operata broj 107 k.o. Obudovac, odgovara dijelu parcele starog operata broj 2192/2 k.o. Obudovac.

M.T. obavlja funkciju direktora Razvojno-garantnog fonda Brčko distrikta BiH, na osnovu Odluke broj: 092-1/20 od 08.06.2020. godine, te je shodno članu 2 Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisan je u Registar javnih funkcija i nosilaca javnih funkcija.

Članom 22 Poslovnika o radu Komisije za odlučivanje o sukobu interesa propisano je da je nosilac javne funkcije stranka u postupku.

Članom 23 stav (4) Zakona propisano je da Komisija za svaki podneseni Izvještaj o imovinskom stanju provodi redovnu provjeru. Redovna provjera predstavlja provjeru tačnosti i potpunosti podataka iz Izvještaja o imovinskom stanju upoređivanjem podataka s podacima o imovinskom stanju nosioca javne funkcije prikupljenim od organa, institucija i pravnih lica u zemlji i inostranstvu koji raspolažu informacijama, odnosno organa, institucija i pravnih lica koja vode evidencije o podacima.

Naime, prilikom redovne provjere tačnosti i potpunosti podataka iz Izvještaja o imovinskom stanju, na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja - Aneks II, uočeno je da M.T. nije prijavio sve nepokretnosti koje su u njegovom vlasništvu, tj. suvlasništvu, odnosno, prijavio je nekretnine upisane u posjedovnom listu [REDACTED], a nekretnine

upisane u zk. uložak br. [REDAKTORAN] travnjak i oranicu, vlasništvo M.T. sa udjelom od [REDAKTORAN], nije prijavio. Slijedom ovog saznanja, Komisija je Zaključkom, broj: UP-I-KSI-09-04/24 od 16.09.2024. godine pokrenula postupak po službenoj dužnosti u skladu sa članom 32 ovog Zakona, protiv nosioca javne funkcije, zbog sumnje na povredu člana 19 stav (1) i stav (2) i člana 20 Zakona o sprečavanju sukoba interesa u institucijama Brčko distrikta Bosne i Hercegovine.

Članom 19 Zakona o sprečavanju sukoba interesa u institucijama Brčko distrikta Bosne i Hercegovine propisano je da Izvještaj o imovinskom stanju sadrži podatke o imovini nosioca javne funkcije, kao i bračnog i vanbračnog druga, djecu i druge članove porodičnog domaćinstva kao i lica prema kojima nosilac javne funkcije ima zakonsku obavezu izdržavanja, a član 20 istog Zakona propisuje obavezu izvještavanja o kompletnom imovinskom stanju nosioca javne funkcije.

Imajući u vidu da je M.T., nosilac javne funkcije, dostavio pisano Izjašnjenje i da je kao dokaze priložio gore navedenu dokumentaciju u koju je Komisija izvršila uvid, Komisija je materijalne dokaze cijenila kao istinite, odnosno, da nosilac javne funkcije nije prekršio Zakon o sprečavanju sukoba interesa u institucijama Brčko distrikta Bosne i Hercegovine, jer se ne radi o neprijavljenoj imovini. U konkretnom slučaju radi se o istim parcelama, koje se zbog neusaglašenosti evidencija između posjedovnog lista i zemljišnoknjižnog uložka nalaze u različitim evidencijama i pod različitim brojevima, što nesporno proizlazi iz identifikacije navedenih parcela u suvlasništvu nosioca javne funkcije, te je, slijedom navedenog, Komisija donijela odluku kao u dispozitivu ovog Zaključka.

#### **POUKA O PRAVNOM LIJEKU:**

Saglasno odredbama člana 37 stav (1) Zakona, ova odluka je konačna u upravnom postupku i protiv iste nije dopuštena žalba, ali se može pokrenuti upravni spor u roku od 30 dana od dana dostavljanja odluke tužbom pred Osnovnim sudom Brčko distrikta Bosne i Hercegovine.

Predsjednik  
Komisije za odlučivanje o sukobu interesa

---

Admira Mujić, dipl. pravnik

#### **Dostaviti:**

1. M.T., [REDAKTORAN] br. [REDAKTORAN], Brčko distrikt BiH,
2. Internet stranici Komisije,
3. Evidenciji i
4. Arhivi.